

As cidades de Vigo, Braga e Porto acollerán durante os días 6, 7 e 8 de xullo a celebración dos Open Days 2011 – Evento Local da Eurorrexión Galicia – Norte de Portugal, destinado a presentar algúns dos principais proxectos e actividades levadas a cabo na Eurorrexión Galicia-Norte de Portugal, tanto á cidadanía como aos representantes da Unión Europea para, deste xeito, promover a investigación, a innovación, o desenvolvemento, a mobilidade, o turismo, e as iniciativas levadas a cabo nestas áreas para fomentar un crecemento intelixente, sustentable e integrador.

A primeira xornada terá lugar no Centro Social Novacaixagalicia de Vigo e na mesma, que será inaugurada polo presidente da Xunta de Galicia, Alberto Núñez Feijóo, exporanse cuestións referentes a 'Política de cohesión despois de 2013', 'A Macrorrexión de Rexións do Sudoeste de Europa', 'O Mar: un proxecto orientado cara os sectores de produción marítimos', 'O sector da automoción: unha alianza estratéxica na Eurorrexión' e 'Presentación da Plataforma das AEECTs e do Comité das Rexións'. No día 7 de xullo, o Laboratorio Ibérico Internacional de Nanotecnoloxía de Braga acollerá a presentación dos relatorios 'Cara a unha Economía do Coñecemento', 'Cooperación en Nanotecnoloxía', 'Exemplos de Boas Prácticas: Economía, Innovación, Coñecemento e Medio Ambiente' e a mesa redonda 'Investigación, Desenvolvemento e Innovación: unha realidade de futuro?'. Na última xornada, a do 8 de xullo, na Casa da Música de Porto amosaranse aspectos como 'Estratexia de Cohesión', 'Emprego, Formación e Inclusión Social: Futuro do Fondo Social Europeo', 'Asuntos sociais en zonas transfronteirizas' e 'Cooperación para a eliminación das barreiras transfronteirizas'.

Será nesta última xornada cando o rexedor de Verín, Juan Manuel Jiménez Morán, presente o proxecto da Eurocidade Chaves-Verín aos/as asistentes aos Open Days 2011. Un proxecto de cooperación transfronteiriza, o único deste xénero da raia entre España e Portugal que conta co apoio da Unión Europea, e que desde a súa constitución conforma un verdadeiro exemplo de integración europea de segundo grado, o que permite que se posicione ao nivel de outras conurbacións europeas como a Eurometropole de Francia e Bélxica, a Agrupación Ister-Granum de Eslovaquía e Hungría ou a de Frankfurt-Oder e Slovice en Alemaña e Polonia. Durante a presentación o alcalde verinense, que xa participou xunto co presidente do Municipio de Chaves João Gonçalves Martins Batista nos Open Days 2008, exporanse os obxectivos da Eurocidade, axenda estratéxica, accións (*Infraestrutura técnica da Eurocidade* -Grupo de Traballo, Gabinete de Apoio Técnico e a plataforma de comunicación www.eurocidadechavesverin.eu-,

Construción da Eurocidadanía

-oferta deportiva, cultural e termal común, axenda cultural, concursos e actividades para a infancia, Fronteira Comercial Aberta e promoción turística conxunta-,

Dinamización e Promoción Económica

-Fronteira Comercial Aberta e promoción turística conxunta- e

Territorio Sostible

) e os proxectos futuros.

A Eurocidade Chaves-Verín é un proxecto de cooperación transfronteiriza aprobado no ámbito do Programa de Cooperación Transfronteiriza España-Portugal (POCTEP), coa participación

financeira da Unión Europea (co-financiamento FEDER).